



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CCLXXXII. Die Testamentsvollstrecker des Priesters Franz Hoppe zu Prenzlau erbitten den bischöflichen Consens zur Stiftung einer Vicarei in der Johanniscapelle zu Prenzlau, am 12. März, mit ...

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

CCLXXXII. Die Testamentsvollstrecker des Priesters Franz Hoppe zu Prenzlau erbitten den  
 bischöflichen Consens zur Stiftung einer Vicarie in der Johannis Capelle zu Prenzlau, am 12. März,  
 mit bischöflicher Bestätigung vom 30. März 1465.

Reuerendo in Christo patri et Domino Henningo Episcopo Caminensi aut ejus vicario, Martinus Besenbrouwe, Mathias Schapow, presbiteri, et Petrus Damerow, laicus, Testamentarii seu ultime voluntatis executores Honorabilis viri Domini Francisci Hoppen presbiteri, debitam obedienciam cum promptitudine famulatus. Quoniam sancta et salubris est cogitatio pro defunctis exorare, ut a peccatis soluantur; Hinc est, quod nos predicti executores premissa diligenter attendentes ad honorem Dei omnipotentis ejusque matris gloriose virginis Marie et sanctorum eius ob salutem anime dicti domini Francisci Hoppen progenitorumque suorum ac fidelium omnium defunctorum atque in remissionem peccatorum nostrorum de bonis et obuentionibus post mortem predicti domini Francisci habitis et acquisitis pro fundacione et dotacione unius vicarie in Capella sanctorum Johannis Baptiste et Ewangeliste in Premplow, Et de consensu et voluntate religiose matrone de Schwechten, Abbatisse monasterii sancti Sabini dicti opidi Premplow, ad altare fundatum et consecratum in honorem omnipotentis Dei et Sanctorum Jacobi majoris, Mathie, Apostolorum, Clementis et Marie Magdalene, ex speciali deuocione omnipotentis Dei eiusque matris virginis Marie, Sanctorum Petri et Pauli Apostolorum, Katherine et Barbare virginum deputamus et assignamus ac ad dotacionem noui corporis unius vicarie seu beneficii ad premissum altare singulis annis subleuanda tradimus, donamus et apponimus decem talenta Brandenburgica reddituum annuorum, octo videlicet talenta aput capitulum ecclesie beate Marie virginis opidi Stettin pro quadringentis marcis et duo talenta aput honorabilem virum Dominum Nicolaum Czernekowen, presbiterum, pro centum marcis summe principalis legitime emtis, prout hec in literis et munimentis desuper confectis plenius continentur. Isto adiecto quodsi tractu temporis huiusmodi redditus in parte seu toto pro eorum summa redempti fuerint, patroni infrascripti una cum vicario pro tempore tunc existente summam subleuare, ac alios similes redditus annuos prout magis Deifice potuerit, pro victu et sustentacione supradicte vicarie vicarii emant. Eosque redditus per vicarium pro tempore existentem percipi et subleuari disponant. Idem eciam vicarius ornamentis, libro et calice ad supradictum altare pertinentibus et in posterum procurandis et apponendis per se vel quemlibet alium honorifice utatur. Jus vero patronatus dicti altaris nobis testamentariis predictis et Barbare Hoppen, Sanctimoniali dicti monasterii Sancti Sabini opidi Premplow, tamdiu vixerimus, seu unus nostrum vixerit legitime referuamus. Nobis vero omnibus defunctis dictum jus patronatus ad fratres Kalendarum opidi prelibati Premplow eo tempore spectare et pertinere debeat: cum tali modificacione, quod unum clericum de cognacione dicti domini Francisci si exstiterit, sin vero, unum presbiterum actu in fraternitate dictorum fratrum existentem canonice presentabunt. Idem si secus factum fuerit presentacio debet esse nulla et nullum fortiri effectum, Et volumus quod presbiter et frater in possessione parata predicte vicarie existens unum talentum Brandenburgense in subsidium stipe per dictum Dominum Franciscum institute decano et prouisoribus dicte fraternitatis largiatur, et qualibet septimana unam missam pro salute anime ipsius Domini Francisci progenitorumque suorum ac fundatorum et omnium fidelium defunctorum celebrabit. Casu vero, quo aliquis alius dicti altaris ex permutacione, resignacione aut quibusuis dispositione, prouisione et modis aliis possessionem consecutus exstiterit, et nec presbiter

neque actu in fraternitate constitutus fuerit, idem possessor et vicarius quator talenta Brandenburgica quousque a fraternitate assumptus fuerit, prouisoribus pro communi distributione omnium fratrum annuatim sine contradictione erogabit ac quilibet de huiusmodi distributione percipiens specialem memoriam pro animabus dicti domini Francisci suorumque progenitorum atque fundatorum peragere propter dominum non omittet. Supplicanti insuper dicti fundatores, quatenus auctoritate ordinaria honorabilem virum Dominum Martinum Befenbrouwe, presbiterum vestre dioecesis, primo ad dictum beneficium et redditus eius instituere et institutum in corporalem possessionem mittere dignemini pure propter Deum. Datum Premeßlow, Anno Domini M<sup>o</sup>. CDLXV<sup>o</sup>. ipso die Sancti Gregorii Confessoris, fraternitatis fratrum Kalendarum supranominatorum opidi Premeßlow, quo ad presens utimur sub sigillo. Et Nos Henningus, Dei gratia Episcopus Camminensis, supplicacionibus venerabilis ac prouidorum virorum Dominorum Martini Befenbrouw, beate Marie Stetinenfis collegiate ecclesie canonici, Mathie Schapouw, presbiteri, et Petri Damerouw, laici, testamentariorum seu ultime voluntatis Domini Francisci Hoppen presbiteri executorum ex radice caritatis fauorabiliter annuentes nolentesque omnia et singula in literis ipsis, quibus presentes nostre litere sunt annexe, contenta et descripta suo frustrari effectum, sed ea cum omnibus et singulis clausulis et articulis suis quantum in nobis est approbauimus, ratificauimus, ordinaria nostra auctoritate et ratificamus, approbauimus ac in Dei nomine approbamus per presentes, Inhibentes omnibus et singulis utriusque sexus Christi fidelibus cuiuscunque status, gradus fuerint et condicionis ne sub anathemate majoris excommunicationis siue maledictionis eterne penis premissa vel premissorum aliquid alienare, distrahere, sibi usurpari aut eis in toto vel in parte contraire audeant vel presumant, sicuti preter has penas indignacionem omnipotentis Dei et beatorum Petri et Pauli apostolorum eius atque nostram canonicam evitare voluerit ultionem. Vobisque Venerabili viro Domino et magistro Martino Befenbrouwen, canonico prefato, ad huiusmodi vicariam noviter fundatam instituendum nobis hic presentato, eandem cum spiritualium et temporalium administratione conferimus in animam vestram salubriter gubernandam Dei nomine per presentes, mandantes vobis dominis presbiteris et clericis presentibus requisitis, Quatenus antedictum Dominum et Magistrum Martinum ad huiusmodi vicarie iuriumque et pertinenciarum eiusdem ducatis possessionem corporalem, realem et actuaalem, facientes sibi et nulli alteri de ipsius redditibus integre respondere. Datum Corlin in castro nostro, anno Domini Milleesimo quadringentesimo sexagesimo quinto, die penultima mensis Martii, nostro sub secreto presentibus appenso.

Nach Beckmann's Abschrift des Originals.

CCLXXXIII. Anna, Mathias Wittwe, verkauft den Vorständen des Chors der Marienkirche zu Prenzlau ein halb Brandenburg. Pfund von den Buden vor dem Kuhthor, am 20. Mai 1465.

Vor allen Cristen liden, de dessen brief syen edder horen lesen, bekenne ick Anna, Mathias nagelathene seligher weidywe, dat ick meth wolbedachten mude vorkofft bebbe vnd vorkope